

四庫全書

子部

欽定四庫全書

子部

赤水元珠卷三十

詳校官太醫院吏目_臣宋桂

編修_臣倉聖脈覆勘

總校官編修_臣王燕緒

校對官助教_臣卜惟吉

謄錄監生_臣汪存靖

欽定四庫全書

赤水元珠卷三十

明 孫一奎 撰

便毒 疳瘡 楊梅瘡

夫便毒生於小腹下兩腿合縫之間其毒初發寒熱交作腿間腫起疼痛是也夫腎為作強之官所藏者精與智也男女大慾不能直遂其志故敗精搏血留聚經隧乃結為便毒矣蓋腿與小腹合縫之間精氣所

出之道路也或觸景而動心或夢寐而不洩旣不得偶合陰陽又不能忘情息念故精與血交滯而成腫結也初起切不可用寒涼之藥恐氣血愈滯不得宣通反成大患惟當開鬱散氣清利熱毒使精血宣暢則自然愈矣

生生子曰按前論蓋思想無窮所願不遂者設也此固一說而意猶未完果如此論當僧尼孀婦宮人曠夫多有此患然子目擊商賈中野合不潔淫妓便搆此

疾或疔瘡或楊梅者亦由慾火內熾一旦交合不潔
為淫火沖動膚腠開通是以受毒初發之時慎不宜
以敗毒之藥瀉之何也毒邪非虛不入若復虛胃氣
則毒邪下陷治之非彌年累月不愈也捷法只宜發
汗其次利小便膚腠所感之邪汗易散也陰莖腿縫
皆肝經絡肝腎主下焦又肝主小便使毒邪從小便
中出所治皆順也故治之不旬日便可奏功若曾已
發汗利小便體厚邪固而不得宣通者乃以破毒活

血調氣之劑攻之俟毒氣宣通隨以補劑托之亦不失先後着也此予歷試良驗特附於斯

便毒之劑

退毒散 治便毒腫結

穿山甲

煎醋炙
焦五錢

木猪腰子

醋微炙
三錢

為末每服二錢食前老酒調下 次以醋煮肥皂

研膏敷之妙

木猪腰子
即木猪苓

雙解散 治便毒內蘊熱氣外挾寒邪精血交滯腫結

疼痛

桂皮

川大黃

白芍藥

澤瀉

牽牛

炒取頭末

桃仁

去皮炒
各二錢

甘草

一錢

分做二帖生薑五片煎食前日二服先小便快熱
從小便出後大便利皆是稠毒

敷藥方

治便毒腫痛

雄黃

乳香

各二兩

黃栢

一兩

為末新汲水調敷腫處自消

括蕒散 治便毒等惡瘡

括蕒

一箇
去皮

牛蒡子

炒

金銀花

各三錢

生薑

甘草

各半兩

右忌銅鐵器搥碎以酒一大碗煎數沸空心溫服
微利為度

三物湯 治便癰

牡蠣 大黃 山梔子

各等分

為末酒水一大盞煎七分空心溫服露一宿尤妙

四神散 治便毒初起寒熱欲成癰疽服此神效

大黃 木鱉子

殭蠶

貝母

各二錢半

用酒水各一鍾煎至一鍾食前熱服若得汗下為

妙

止痛妙絕飲 治便毒腫硬不消不潰疼痛無已此方

一服立能止痛

人參

五錢

大黃

五錢

酒水各一鍾煎至一鍾入乳香沒藥末各一錢空

心食前服

曾經瀉後而痛腫如故者此胃氣已弱但當補托胃氣
使氣血充實邪乃消釋已潰者亦以此補之生肉

人參

黃耆

各一錢

粉草

五分

防風

五分

柴胡

五分

當歸

一錢

赤

芍

五分

桂枝

四分

白芷

棗一枚水煎服

立消散 消便毒癰腫如神

全蝎

炒

核桃

去殼肉只

用隔膜炒

等分為末空心酒調下三錢下午再服三日全愈

消毒五聖湯 治便毒腫疼神效

五靈脂 白殭蠶 鬱金 貝母 大黃

各三錢

酒水各半煎服連服三帖立愈

下疳之劑

七寶檳榔散 玉莖疳瘡或漸至蝕透久不愈者

檳榔 蜜佗僧 雄黃 輕粉 黃連 黃柏 朴

硝

各等分為末先將葱白漿水洗淨軟帛挹乾如瘡

濕乾摻如乾少油調搽

玉粉散 疔瘡痛不止

蜜佗僧

寒水石

煨

滑石

各半兩

膩粉

麝香

各少許

右為末油調敷濕則乾摻

金銀花散 治下疳

金銀花

荊芥

朴硝

蛇床子

甘松

白芷

檳榔

每用五錢水煎加葱白二根數沸盆盛先薰後洗

一聽上藥

敷藥妙方

多年牆上白螺殼炒竹蛀屑等分研極細每一錢入梅花片二厘敷此藥就不痛先以川椒芽茶飛鹽煎湯入小口瓶內將玉莖插入瓶中先薰後洗

治下疳 象皮燒灰存性如乾用油調敷瘡上

補遺蛀榦瘡 用黑油傘紙燒灰出火毒傳於瘡上便結靨甚妙

治外腎陰瘡

抱鷄蛋殼 黃連 輕粉

各等分為細末用煎過清油調敷

楊梅瘡之劑

初起者宜清表之

荊芥 防風 升麻 葛根 甘草 川芎 蟬退

當歸 柴胡 酒苓 連翹 白蘚皮 皂角刺

各八

分猪胰子

二枚

先以土茯苓四兩煎湯復煎前藥七日見效

又方 癩蛤蚧三隻去腸雜入雄豬肚內苧麻扎縛水
煮極爛食之蛤蚧亦聽食三五次除根

又方 嫩羊七八斤一隻者如常宰治去腸雜以土茯苓
苓一斤槌碎入腹中苧麻縛定水煮極爛聽食湯准
茶淘飯絕妙絕妙服此後其毒皆發出頭面俱腫五
日後自消七日全愈

神應散肥皂核燒存性五錢另研為末

荊芥 何首烏 天花粉 防風 苦參 薄荷

各一兩

葉

五錢

共為末每日用新鮮白土茯苓八兩雄猪肉四兩

入前末藥五分肥
皂核末子一分

共用水七碗煮爛去渣其肉聽

食湯准茶服不過十日全愈再無他餘症 如善

肉者可作大劑與之

擦藥方 極佳

水銀

明礬

各一兩

杏仁

大黃

各二兩

膽礬

三錢

俱為細末用香油拌勻擦手心脚心前後心每日
擦三次不可見風擦至七日口中熱氣出或喉嚨
作疼乃藥力到也以後解毒藥二帖除根

防風 荊芥穗 牛蒡子 參 生地 連翹

黃芩 黃連 大黃_{錢三} 白蘚皮_{錢各一} 土茯苓_{兩四}

水六碗煎三碗不拘時服

點廣瘡方

杏仁_{去皮取霜} 真輕粉_{錢各一} 雄黃 辰砂_{分各五}

為極細末以雄猪胆汁調搽一日三次三日愈

楊梅瘋 十年二十年筋骨風泡腫痛

土茯苓

三斤

川椒

二錢

甘草

三錢

黑鉛

一斤

青藤

三錢

右以好酒入罈將藥用袋盛煮服之妙

洗楊梅瘡方

臭梧桐 野菊花 金銀花

三味煎湯入舊馬桶內薰之一日二次有痔漏加

枸杞子

楊梅瘡并楊梅風方

川歸 防風 牛膝 羌活 甘草 木瓜 金銀

花 皂莢子 熟地 川芎

各一錢

土茯苓四兩水五鍾煎三鍾分三次服

加味遺糧湯 治楊梅瘡風毒及悞服輕粉癰瘡筋骨疼痛不能動履者服此除根

防風 木瓜 木通 苡仁 白蘚皮 金銀花

各五

分皂莢子

分四

如虛弱加 人參 當歸

各七分

土茯苓二兩即仙遺糧也右以水煎空心服一日
三服輕者十日可愈重者必四十日痊

楊梅漏

猪蹄子湯 治楊梅漏

牙皂

去皮
絃炒

麻黃

防風

連翹

地黃

各三分

牙硝

一分

半

土茯苓

四兩

雄猪前蹄一隻水三碗同藥煮熟聽食湯亦盡喫
半月全愈

又方

皂角

錢五

金銀花

錢五

土茯苓

兩四

大肥皂核燒存性為末每用三釐煎藥煎熟調服

膏藥

猪油

熬去渣
一兩

加香油

錢三

同熬離火稍冷加乳

香沒藥各五錢攪勻再入孩兒茶七錢攪勻又入冰片一分輕粉五分麝香一分待冷做膏藥貼之

十全大補湯加防風與前方相兼服之庶虛弱者易收功也凡漏瘡膿水既多故屬不足治宜補養為先

金瘡

治金瘡血不止

半夏 風化石灰 鬱金

右為末摻上血即止

又方 以風化石灰韭菜嫩者同搗入鵝血調和成餅
風處陰乾為末傳之血止亦無痕若無鵝血亦可

崔氏 療金瘡刀斧傷破血不止

風化石灰一升千葉紅石榴花半斤搗成餅如上法

陰乾為末摻之

潔古 刀箭傷

乳香

五
分

沒藥

三
分

俱為細末摻之極能止血止痛

又方 生晚蠶蛾風化石灰二味搗勻成餅陰乾為末
傳之極能止血生肌定痛

本事方 治金瘡血不止

血竭為細末摻之立止生肌

華佗方 治惡瘡金瘡刀斧傷

上好降真香為末傳之入水並無傷痕絕妙

鬼遺方 治金瘡腸出欲入之磁石滑石各三兩為細末白米飲送下方寸七日再服

杖瘡

鬼代丹 受杖不痛

無名異 乳香 沒藥 地龍 自然銅 木鱉

去土 煨醋

子

去殼

各等分煉蜜為丸彈子大溫酒化下一丸任打不
痛

乳香散 治杖瘡神效

自然銅

醋淬七次五錢

乳香

沒藥

各三錢

茴香

四錢

當歸

五錢

為末每服五錢溫酒調下

若受杖後腹中痛或發熱及杖瘡痛甚如火以鷄鳴散
下去惡血立愈

潔古沒藥散 治杖瘡止痛極佳且令瘡不移

蜜佗僧 乳香

沒藥

各一兩半

乾胭脂

一兩半

膩粉

半兩

為細末入梅花冰片一錢或五分燒葱與全羊骨
髓同搗研如泥攤在緋帛上貼之妙

又方 生地黃 黃栢 童便加韭菜汁調敷

又方 不破者以韭菜葱頭杵貼冷即易之

膏藥用紫荆皮乳香沒藥生地黃大黃黃栢之類

又方 用野苧根嫩者不拘多少洗淨同鹽搗碎敷上
神效傷重者多用鹽

杖瘡丹 此方佳妙不可言

劉寄奴末六錢馬鞭草末四錢蜜調敷如潰者乾摻之

丹溪云杖瘡用黃栢生地紫荊皮敷此皆要藥也若血熱作痛宜涼藥去瘀血為先須下鷄鳴散

凍瘡

張子和曰經云寒瘡流水俗呼為凍瘡或經年不愈者用野中淨土晒乾以大蒜研如泥捏作餅子如大觀

錢厚量瘡大小貼之以艾火加於餅上灸之不計壯數以泥乾為度又易濕餅子灸不拘多少直灸至瘡如覺痛痒是瘡可治也然後口含漿水洗清用鷄翎二十莖縛作刷子於瘡上刷洗淨以此洗刷不致肌肉損傷也用軟帛拭乾以木香檳榔散敷之如夏月醫之更妙

治凍瘡用茄根燒灰淋水洗淨再用雀兒腦髓塗之又方用蜜佗僧為末以煎熟桐油調敷

羅太無如神散 治凍瘡皮爛不可忍

用川大黃為末新水調掃凍瘡上痛立止

張子和治女僮足有凍瘡令服舟車丸瀉川散大下之
遂愈人或疑之戴人云火降則寒消何疑之有

冬月脚折皮裂行步疼痛

以溫湯洗拭乾將黃蠟一兩鎔化投松香末三分攪
勻每用少許安刀頭上溶化滴入折中經宿即愈神
效神效

又方 五倍子為末以牛骨髓填縫內即好

治脚指縫爛瘡

搗鷓鴣時取鷓鴣掌黃皮燒存性為末濕則搽之

犬咬

凡犬咬須以人尿洗淨以頭垢傳傷處又用熟牛糞塗於外

衍義方 用杏仁嚼爛罨傷處以帛縛定立好數數驗過 紫蘇葉嚼碎塗之亦好

又方先以鹽水洗用草麻子去殼以井水研成膏貼傷處虎骨屑敷之亦好

又方黃荊葉罨瘡上即安

又方煨生薑乘熱擦之尤妙

犬咬破傷風腫

人參於桑柴火上燒成灰傳之良愈

羅太無蟬花散 治夏月犬傷及諸般損傷蛆蟲極盛臭惡不可近者

蛇退皮

一兩火燒存性

蟬蛻

五錢

青黛

五錢

細辛

二錢半

右為細末每服三錢酒調下如六畜損傷成瘡用

酒灌下如犬咬傷用醇子和服其蛆皆化為水蠅子不敢再落其上又以寒水石末乾摻上

風犬咬

羅太無定風散 治風犬咬先口噙漿水洗淨用綿拭乾貼藥更不再發大有神效

天南星

生

防風

等分

為細末乾上再不潰膿功難盡述

濟世方

治風犬咬用核桃殼半箇將野人乾糞填滿以榆皮
蓋定罨於傷處再以艾於核桃上灸之二七壯即愈
永不再發 或用野犬糞灸仍拔去頂上紅髮

癩狗咬方

用斑貓七枚去頭足翅以糯米少許於新瓦上同炒
以米黃香為度去米不用以斑貓研碎好酒調下能

飲酒人再進一盃看傷上下服當日必有毒物從小
便出如小狗狀如未下次日再進如又不下又進之
以毒物出為度若進至七服雖毒不下亦無害矣服
藥後腹中必不安小便莖中刺痛不必慮此毒為藥
攻將下耳痛甚者以蕪青一匙煎甘草湯送下即止
如無蕪青青黛亦可疾愈後急以香白芷五錢雄黃
二錢半為末搗韭根自然汁湯酒調下去斑猫毒以
水淨漱口嚼生葱白罨傷處留小竅出毒氣不可用

他草藥罨忌犬猪羊及發風毒物小兒量歲數加減
斑猫能治食癩狗肉致病者治同即愈或過二三
年再發治亦如前

治癩狗所傷用斑猫二十一枚去頭翅足用粳米一勺
先將七枚入米內微火炒不令焦赤去此斑猫換新
斑猫七枚入前米內炒令斑猫色變復去之又換新
斑猫七枚如前法炒以米出青烟為度去斑猫不用
以米為末以冷水入清油少許空心調服頃又再進

一服以小便利下惡物為度如不利再進一服利後
腹肚疼痛急以冷水調青錠服之以解其毒否則有
傷或煎黃連水亦可不宜便食熱物或以益元散水
調服解之尤妙

又方 取小兒胎髮炒香為末傳用野菊研細酒調服
盡醉立效

又方 治癩犬所傷或經久復發無藥可療者用之極
驗

雄黃

五錢

麝香

五分

研末勻用酒調二錢服如不肯服者則撚其鼻而灌之服藥後必使得睡切勿驚起任其自醒候利下惡物再進前藥則見效矣

風犬咬後毒發如狗呌者百方不治於化人場中取頭頂骨燒末敷之立愈

風犬咬毒發如狗呌百方不應者以人骨燒末之水下方寸匕雖煩亂者亦效

又方 治風犬咬不急治則生小狗必殺人

雄黃 蟬蛻

等分為末調敷傷處立愈

虎傷人生葛根汁服妙并洗傷處 或用白礬末納瘡

口痛立止

馬咬 薄荷汁塗之妙

猪咬 松脂鎔作餅貼之 或以黃連甘草節煎湯洗

立效

箭傷

劉寄奴散 治箭傷及金瘡口用此並無疤痕右劉寄奴為極細末搽之

又法 治箭鏃傷及金瘡傷

松樹老懸皮生為末風化灰煉紅和勻傅之收口止血神效

又法 治毒箭傷破欲死者

藍汁敷之如無用靛青搽瘡口立效

又法 桑葉陰乾為末若急用焙乾亦可搽刀箭傷處
佳

布智兒從元太祖征回回身中數矢血流滿體太祖命
取一牛剖其腹納之牛腹中浸熱血內移時遂甦

李挺從伯顏征郢州砲傷左脇矢貫於胸幾絕伯顏令
剖水牛腹納其中良久甦 上二治出元史諸方書
無載特揭附此

蛇傷

毒蛇沙虱所傷眼合口噤手足強直毒已入內急用蒼耳草研汁和酒服渣厚敷患處

又治毒蛇咬 急取癩蝦蟆搗爛敷上帛縛之

又法 治蛇悞入人口中不出

用刀急破開蛇尾將川椒一粒入內隨即裹籠縛之須臾就出

人咬傷

治被人咬破指頭痛不可忍久則爛脫手指并手掌諸

方書所不載 急用人尿入瓶將患指浸在內一宿
即愈 如潰爛者用尅蛇龜殼燒灰敷之 若無龜
以鰐殼燒灰敷亦可

瘰癧門 附馬刀 瘻 瘤 結核

瘰癧者結聚成核初如荳粒漸成梅李累累相連大小
無定結於頸項夾喉之間增寒壯熱強痛腫硬不消
有風毒熱毒之異其候多緣忿怒氣逆憂思悵鬱所
致初覺便當服散腫潰堅湯或五香連翹湯漏蘆湯

之類散之或用大黃牡蠣湯踈利三兩行瘡上可用
十香膏之類貼之及諸淋洗敷貼等藥治之庶得消
散若不散可服內消丸消之或隔蒜灸之

馬刀瘡亦生於項腋之間下脇延及陰腠形如瘰癧而
長於癰不可認作流注治之皆肝膽怒鬱之所致也
俱當清肝膽之火調氣開鬱以鹹軟之劑附之繼以
養氣血流動經絡之劑收功不可徒務斑猫等毒劑
攻逐致成癆怯慎之

柴胡連翹湯 治男婦瘰癧馬刀瘡

柴胡 連翹 知母 酒炒 黃芩 酒炒 黃柏 酒炒 生地

炙甘草 各三錢 中桂 分三 大力子 一錢 瞿麥 穗 六錢 川歸尾 一錢

五分

右剉如麻豆大每服三錢或五錢水二大盞煎至一盞去渣食後熱服

薄荷丹 解瘰癧風熱之毒自小便出毒後常須服此

薄荷 皂角 不蛀者去絰皮 連翹 蔓荊子 荊芥 京三

稜

煨

何首烏

米泔浸
各一兩

右為末好豉二兩半以米醋煎沸灑豉淹令軟研
如糊和丸桐子大每服三十九食後熱水下每日
一服病雖愈仍常服以消餘毒

神秘散

治瘰癧

斑猫

去頭足翅麪
炒二十八枚

荊芥穗

直殭蠶

炒去
系嘴

黑丑

微炒
取末

各一
錢

右為細末每服一錢五更好酒調下日中當取下

惡物如不下次日五更再進一服或更不下第三

日五更先食秫米粥一碗次服此藥其毒決下如

小便痛澀以蔥茶解之或木通燈草煎湯導之

楊氏

家藏方頭晚先將滑石末一錢用米飲調服半夜時又一服至五更服神秘散看虛實或二三錢第三日仍以燈心湯調琥珀末一錢如小便痛用青黛一錢甘草湯調下即止

蝙蝠散 治瘰癧多年不瘥

蝙蝠一箇 貓頭一箇

右同燒作灰撒上黑荳其骨灰化為細末濕即乾

摻乾則油調敷之內服五香連翹湯效

白花蛇散 治九漏瘰癧發於項腋之間或痛或不痛

白花蛇

酒浸去皮
骨焙二兩

生犀角

二錢

牽牛

半生半
炒一兩

青皮

五錢

右為末每服一錢入膩粉五分五更糯米飲調服
已時下惡物乃瘰癧之根也更候十日再服一服
忌發風熱毒物已成瘡者一日便見効

四聖散 瘰癧服白花蛇散轉利後此藥調之永去其
根

海藻

洗

石決明

煨

羌活

瞿麥穗

各等分

右為細末每服二錢米湯調下清水盡為度

散腫潰堅湯

治馬刀瘡結硬如石或在耳下至缺盆

中或至肩上或於脇下皆手足少陽經中及瘰癧遍於頰或至頰車堅而不潰在足陽明經中所出或二瘡已破乃流膿水並皆治之卧時服藥斟酌病人飲食多少大便軟硬以意消息治之

昆布

桔梗

各半兩

廣茂

微炒

京三稜

酒洗

連翹

各三錢

升

麻

分六

黃連

白芍

葛根

錢各二

歸尾

柴胡

甘草

分各五

龍胆草

酒洗炒
四錢

黃芩

酒洗一錢五分
一半生一半炒

右每服六錢先水浸半日煎熟服於卧處伸足在

高處頭微低每嚙一口作十次嚥至服畢依常安

卧取藥在胸中停留也 另配半料為細末煉蜜

為丸菴荳大每服一百丸或一百五十丸就以此

藥送下

瞿麥飲子

治癰瘰馬刀此方須久服乃交

瞿麥穗

半斤連翹一斤

每服一兩水煎食後服

海藻丸

治瘰癧生於頭項上交接名蛇盤癧宜當早

治之

海藻菜

薺麥炒

白殭蠶

微炒去
系嘴

右等分為細末海藻菜旋炒研篩湯泡白梅取肉

減半用所泡湯為丸如梧子大每服六七十丸食

後臨卧米飲送下其毒自大便泄出若與淡菜連

服為妙蓋淡菜生於海藻上亦治此病忌豆腐雞
羊酒麵日五六服

蜂房膏 治熱毒氣毒結成癰瘡

露蜂房

炙

蛇蛻

玄參

蛇床子

黃耆

各三錢

杏仁

二兩

亂髮

雞子大

飛丹

黃蠟

各二兩

先將前五味剉細綿裹用酒少許浸一宿勿令酒
多用油半斤內杏仁亂髮煎髮消盡瀉去渣再煎
然後下丹蠟再熬成膏傾倒於磁盆中取貼瘡上

一日一換

檳榔散 治氣毒瘰癧心膈壅悶不下飲食

檳榔 前胡 赤茯苓 牛蒡子 枳殼

炒各一兩

去白 沉香 防風 各五錢 炙甘草 二錢

每服五錢生薑一片水煎服

射干連翹湯 治瘰癧寒熱

射干 連翹 玄參 赤芍 木香 升麻 前胡

山梔仁 川歸 炙甘草 各一兩 大黃 炒二兩

每服五錢水煎服氣盛加芫硝少許服之

括蔞子散 治瘰癧初腫疼痛寒熱四肢不寧

括蔞子

連翹

何首烏

大力子

微炒

大黃

微炒

皂角

子仁

白螺殼

梔子仁

牽牛

微炒

甘草

生各

一兩

為細末食後溫酒下二錢

內消丸

瘡腫初生及瘰癧結核熱毒鬱滯服令內消

大效

青皮

陳皮

牽牛

取頭末各二兩

薄荷葉

八兩

皂角

八兩

不去

粗皮槌碎水煮
軟搗汁熬膏

右為末以皂角膏和為丸菴豆大每服三十九食
後荊芥湯下

皂角煎丸 治風毒癰瘰

皂角

不蛀者三十條內十條泡黑十條
條酥炙用十條水煮軟搗汁用

何首烏 玄參

薄荷葉

各四兩

右為末與前膏子同煉蜜為丸豌豆大每服三四
十丸食後白湯下

柴胡通經湯 治小兒項側有瘡堅而不潰名曰馬刀

柴胡 歸尾 生甘草 連翹 黃芩 牛蒡子

京三稜 桔梗

各一錢半 黃連 一錢 紅花 少許

水二鍾煎服此方亦治癰瘰乃是攻裏內消之劑

消腫瘡 治馬刀瘡

黃耆 括蕒根

各一錢半 連翹 三錢 歸尾 紅花 少許 甘草 各一

錢

右分作二帖水煎服

十香膏 治五發惡瘡結核瘰癧疔瘻疽痔

沉香

麝香

錢各一

木香

丁香

乳香

甘松

霍

香

零陵香

安息香

白芷

各五錢為細末

川歸

川芎

黃耆

木通

芍藥

細辛

升麻

白薇

獨活

川椒

藁本

菖蒲

木鱉子

厚朴

商陸根

官桂

栢子仁

桃仁

松子仁

杏仁

各五錢

槐枝

桑枝

柳枝

松枝

各二兩

沒藥

輕粉

雄黃

硃

砂

雲母石

犀角

血餘灰

枯礬

各二兩另研末

真酥

油 羊腎脂

猪油

各二兩

飛丹 一斤

麻油 三斤

右如常法煎成膏藥以緋帛攤貼 如腸胃癰疽
可作丸子如梧子大每服七丸空心溫酒吞

救苦勝靈丹 治馬刀挾癰從耳下或耳後下頭至肩
上或入缺盆中者乃手足少陽經之分野其瘰癧在
於頰下或至頰車乃足陽明經之分野受心脾之邪
而作也今將二証合治之

黃耆

一錢 護皮毛 實腠理 活血氣 實表補元氣 乃瘡家之聖藥

真漏蘆

五人參 三分

補肺氣如氣短及
不調而喘者加之
升麻 錢一
歸身 三分
葛根 五分
此三味俱是陽明本

經
甘草 五分
能調中和
連翹 一錢
此一味乃十二經
諸藥瀉火益胃
瘡中之藥不可無者散

血結氣聚此瘡
家之神藥也
牡丹皮 三分
去腸胃
生地
熟地 各三

分此三味諸經中和
芍藥 三分
如夏月倍用之補
血生血涼血之藥也
中益氣治腹痛如冬月

寒証
肉桂 能散結聚如陰症瘡瘍用之此寒因熱用
勿用
之意又為陰寒覆蓋其瘡用辛熱去之煩

躁者
柴胡 功同連翹如瘡不
勿用
在少陽經勿用
羌活 一錢
黍粘子 三分
無

昆布 二分
味鹹若堅硬
京三稜 炮二
廣茂 三分
此二
味瘡堅硬

甚者勿用之
獨活
防風 各一錢
此二味勻羌活
必
硬者勿用
關手足太陽症脊痛項強

不可回顧防風辛溫如瘡在膈上雖無手足太陽症亦當用之為能散結去上焦風邪助黃耆立功也

黃連

炒三分治煩悶

神麴

炒二分食不消化者用之

麥芽

一錢消食健脾

益智仁

二分如嘔多者胃不和也或吐沫吐食胃中寒者加之無則勿用

厚朴

薑炒一錢二分如腹脹加

黃柏

炒三分如有熱或腿脚無力加之如煩躁欲去衣者此腎中伏火也更宜加用

右為細末湯浸蒸餅捏作餅子曬乾搗如米粒大

每服三錢白湯下

如氣不順加橘紅甚者加木

香少許量病人虛實消息之母令藥多妨其飲食

此治之大法也

如止在陽明分者去柴胡黍粘

子餘皆用之

如在少陽分為馬刀挾癭獨活漏

蘆升麻葛根加瞿麥三分

如本人氣素弱其病

勢來時氣盛而不短促不可因其平素宜作氣盛

治之乃從病變治之權也加黃芩黃連黃栢知母

防已視邪氣上中下擇而用之假令在上焦止用

黃芩

半酒洗
半生用

在中焦加黃連如在下焦加酒製黃

栢防已之類

如大便不通滋其邪盛者加酒製

大黃利之

如大便秘者加桃仁泥大黃如風

結燥不行者加麻仁大黃以潤之 如風澁而大
便不行者加煨皂角仁大黃秦芫利之 如脉澁
覺身亦氣澁而大便不通者加郁李仁大黃以除
風燥 如陰寒症為寒結秘而大便不通以局方
半硫丸或加炮附子乾薑煎水冷服之大抵用藥
之法不惟瘡瘍一家凡諸疾病氣素怯弱者當去
苦寒之劑多加人參黃耆甘草之類以瀉火而補
元氣餘皆倣此

玉燭散 和血通經能使瘰癧自消及治室女經不行
頸多結核

川歸 芍藥 大黃 甘草 熟地 苡硝 黃芩
川芎

各等分每服五錢薑三片水煎服日進一服七八
日效

治瘰癧未破者如神百藥不應者累效

杏樹葉 陰乾為末二分 人中白 煨為末二分半 蝙蝠 焙乾為末二分半 白花

蛇蛻

煨存性
二分半

蜜蜂

七枚焙
為末

右將杏樹葉末用清水調再入四味末藥和勻敷患處却將皮紙一張以針刺孔貼藥上如乾用清水就紙上刷之每一晝夜換藥一次如面上發熱服清涼飲子數帖自退

敗毒療癰方神效

白膠香

海螵蛸

降真香

用中心無
土乾者

右等分為末搽患處外以濕紙揜之一夕而退

已破者

蜜蜂

一十枚蛇退

七分半

蜈蚣

二條端午收者

右用麻油四兩將前藥入油內以文武火熬成入

光粉二兩用桑枝七條如筋大者急攪候冷出火氣七日方可用紙攤貼

已上二方乃鄭義門累驗者不須服藥貼此五七日便消

海藏方 治項後側少陽經中疔瘡不辨肉色不問大小及月日久遠或有赤硬腫痛

生山藥

去皮
一塊

草麻子

一枚

右研勻攤貼之如神

丹溪云山藥生者能消腫硬極佳極佳

清涼餅子

生山茨菇 良薑

等分搗為餅罨之能散去寒熱 或以生茨菇磨
調酒服大妙此藥大能散癰如神

本事方 治癰癰鼠癰

螻蛄皮瓦上炒研為末加輕粉乾敷

治頸上核塊動者

夏枯草

末六錢

甘草

末一錢

右和勻每服一錢至二錢茶清調下

肘後方 治頷下瘰癧如梅李大宜速消之

海藻

一斤酒升

浸數日稍稍飲之

文武膏 治瘰癧

桑椹黑熟者二斗以布袋絞取汁瓦器中熬成膏白湯化下一匙一日三服紅者晒乾為末白湯調服

結核 獨形而小核者

劉守真云結核者火氣熱甚則鬱結堅硬如菓中核也不須潰發但熱氣散則自消

丹溪云結核或在頸項在臂在身如腫毒者乃痰注於皮裏膜外之間結聚而不散也問其平日好食何物吐下後用藥散之

結核在頸項方

直彊蠶

炒

大黃

酒浸

青黛

膽星

各等分

等

右為末蜜丸噉

結核在下頰

二陳湯加連翹防風川芎酒芩蒼朮皂角刺羌蠶麝
香行太陰厥陰之積痰使結核自消甚捷

濟世方 治頰下結核不消經驗方

大蜘蛛不拘幾枚以好酒浸之研爛同浸酌酒去渣

臨卧溫熱服之

海藏 生山藥草麻子方佳方在癰門

瘰癧氣 氣結於項久留不去而項為脹大

丹溪曰瘰癧氣先須斷厚味

海藻

洗一兩

黃連

二兩

右為末以少許置掌上時時舌舐之津咽下如消
三之二須止後服

又方

黃栢

二兩

海藻

一兩

不用黃連亦佳

治癭氣結核磊磊腫硬

昆布

一兩

洗去鹹為末每用一錢綿裹於好醋中浸過

食之咽津藥味盡再噉之

肘後方 治頸下卒結囊欲成癭

海藻

一斤

洗過酒浸飲之

破結散 治五癭極佳

麥麴

四分

松蘿

半夏

貝母

海藻

洗

龍胆草

海

蛤 通草 昆布 枯礬 各三分

右為末酒服一錢日三忌鯽魚猪肉五辛生菜毒物二十日愈

玉壺散 治三種癰

海藻 洗 海帶 洗 昆布 雷丸 各一兩 青鹽 廣茂 各五錢

右為末煉蜜丸芡實大噉化

人參化癰丹

海藻 洗 海帶 洗 海蛤 昆布 四味皆焙 澤瀉 炒 連翹 各一兩

猪靨

羊靨

各十枚

右為末蜜丸芡實大臨睡噙化一二丸忌油膩

寶金散

治癰氣無不瘥

猪羊靨

十對暖水洗去脂膜後曬乾為細末

海藻

洗

海帶

各三兩

丁香

木香

琥珀

研

麝香

研各一分

珍珠

研五錢

右先將各味為細末配和勻再重羅過每服一錢

熱酒一盞調服夜睡時須垂頭而睡 若童男女

十服效 大人一日見效有孕者忌之

海帶丸 治癭久不消

海藻

貝母

陳皮

青皮

各等分

右為末煉蜜丸彈子大食後嚥化一九大效

治癭氣神效方

海藻

海帶

昆布

蒲黃

各二錢

豬鬃子

五枚焙乾

右為末每服二錢半臨睡以酒調服且不用枕頭

三日

無擇曰癭多着於肩項瘤則隨氣凝結此等皆年數深

遠浸大浸長堅硬不可移者名曰石癭皮色不變者
名曰肉癭筋脉露結者名曰筋癭赤脉交結者名曰
血癭隨憂愁消長者名曰氣癭五癭皆不可妄決破
決破則膿血崩潰多致夭枉

癭

癭有六骨癭脂癭肉癭膿癭血癭粉癭膿癭即膠癭也
惟粉癭與膿癭可決餘皆不可決潰肉癭尤不可治
治則殺人

點瘤瘻方神驗

桑炭灰

棗木灰

黃荊灰

桐殼灰

各二升半

蕎麥灰

炒

右以沸湯淋汁五碗許澄清入斑猫四十箇穿山
甲五片乳香冰片不拘多少後入煎作二碗以磁
器盛之臨用時入新石灰調成膏敷瘤上乾則以
清水潤之其效若神

丹溪治丹瘤

草麻子去殼研入麪一匙水調搽之甚妙

消瘤方

用向陽槐枝於菜油燈盞火上以槐枝薰熟浸油熨瘤上如法熨數次其瘤自消

腸癰門 附胃脘癰

夫腸癰者乃陰陽偏勝喜怒無時伏於臟腑之中結在腸胃之內血凝氣滯回旋失度不能通行聚結成癰致生腫痛孫真人云卒得腸癰而不曉其病候錯則

殺人其病初起覺腹中微痛小腹腫而強抑之則痛
小便澁似淋時時汗出復惡寒其身皮甲錯腹皮緊
急如腫之狀按之濡或發熱無汗灑淅惡寒皆其候
也其脉洪數者為有膿也可下脉遲緊者未有膿不
可下也甚者腹脹轉側有水聲或繞臍生癰汁從臍
出或大便秘下膿血或一足不能舉凡此皆為惡候胃
脘癰者經曰胃脉沉細沉細者氣逆逆者人迎反盛
則熱聚於胃口而不行故胃脘為癰也治法亦與腸

癰頗同初以疎利之藥導其滯次以排膿消毒托裏之藥調之此其大法也

脉經問曰羽林婦何以知腸有膿師曰脉滑而數滑則為實數則為熱滑則為榮數則為衛衛數下降榮滑上升榮衛相干血為敗濁小腹痞堅小便或澁或自汗出或復惡寒膿為已成設脉遲緊則為瘀血血下即安

薏苡附子敗醬散 治身甲錯腹皮急如腹脹本無積

聚身熱脉數者

附子

炮二分

敗醬

五分

薏苡

錢一

右為末每服一錢水煎頓服小便當下而愈

三因方

苡仁

附子

同前

敗醬

一兩二錢五分

每用四錢水一盞半煎七分去渣空心服

千金大黃牡丹湯

治腸癰小腹痞堅或偏在膀胱左

右其色白堅大如掌熱小便自調時自汗出脉遲堅

者未成膿可下之當有血脉數則膿已成不復可下

大黃

四兩

牡丹皮

三兩

芒硝

二兩

冬瓜仁

一升

桃仁

五十枚

右水五升煮一升頓服當下膿血

無擇薏苡湯 腸癰腹中痛煩躁不安或脹滿不食小便澁婦人產後虛熱多有此病縱非癰但疑是者便可與或有差亦無妨

冬瓜子

四兩

薏苡

五兩

牡丹皮

桃仁

各三兩

如無冬瓜

仁以瓜萐代之

每服五錢水煎服 姚氏去桃仁用杏仁 崔氏

加芒硝二兩

醫按曰女子腹痛百方不治脉滑數時作熱腹微急孫
尚診曰腹痛脉當沉細今脉滑數此腸癰也以雲母
膏一兩作丸如梧桐子大用牛皮膠鎔化溫酒調膠
水吞九子下餉時服盡下膿血一盆而安

昔一婦人腸中痛不可忍大便從小便中出楊吉老之
壻李生診之曰夫芤脉見於寸部者乃積血在胸今

訖見於關乃腸生癰也乃出雲母膏作百十九煎黃耆湯吞下利膿血數升而安

右腸癰五方丹溪所集也前三方置於篇首者蓋亦腫瘍瀉利例也後二方用膠黃耆煎湯吞藥者乃潰瘍補例也

四聖散

一名神效括蕒散

治腸癰癰疽五發乳癰便毒服之

神應

大生瓜蒌

一枚去皮

粉草

研末四錢

乳香

研末一錢

沒藥

研末三錢

右用好酒二大碗漫火煎至一碗分作二次兩日服盡大便順導惡物妙若乾瓜萸則用兩枚若疾甚者再服以退為度此方極佳

牡丹皮散 腸癰冷症腹濡而痛時時利膿

丹皮 人參 天麻 白朮 黃耆 木香 川歸

桃仁

去皮尖

川芎

官桂

各三分

白芷

苡仁

甘草

右用水煎溫服

梅仁湯

腸癰裏急隱痛大便閉澀

梅核仁

四十九枚
去皮尖

大黃

三兩

牡丹皮

一兩七分
錢五分

冬瓜仁

四兩

芒硝

二兩
半

犀角

一鎰
兩半

每服七錢水煎服下利膿血三兩行為度

神仙蠟礬丸

治腸癰神妙此藥不拘老幼皆可服之

無不取效最止疼痛不動臟腑乃內托之藥也 方

見癰疽門

丹溪曰腸癰大腸有熱積死血流注桃仁承氣湯加連

翹秦朮近肛門破入風者難治用防風之類

河間射干湯 治胃脘癰人迎脉逆而盛嗽膿血營衛
不流熱聚胃口成癰

梔子仁

赤茯苓

射干

去毛

升麻

各一兩

赤芍

半兩

白

朮

五錢

每服五錢水煎將熟入生地黄汁一合蜜半合再
煎溫服不拘時

復元通氣散 治諸氣澁耳聾腹癰便癰瘡疽無頭止

痛消腫

青皮

陳皮

各四兩

甘草

三寸半生半炙

穿山甲

炒

瓜蒌根

各二

兩

金銀花

一兩

連翹

一兩

右為末熱酒調下

痔漏門

痔者肛門內外有瘤脹疼者是也東垣謂濕熱風燥四氣相合而致也痔有五種謂牡痔牝痔脉痔腸痔血痔也古方又有酒痔氣痔蟲痔翻花痔鼠竅螻蛄等痔之名不一究其所因亦不過久嗜辛熱炙煿新酒

及房勞憂思蘊積熱毒憤鬱之氣所致也或藏於肛門之內或突於肛門之外若蘊毒深者其狀大蘊毒淺者其狀小大者如蓮花鷄冠核桃之狀小者如牛妳鷄心櫻桃之類久而不愈有妨行坐或出鮮血或流膿水則成漏矣治法在外者宜點之洗之在內者宜祛其風而除其濕消其熱而解其毒斯得治之法矣

東垣秦艸蒼朮湯 治痔疾若破謂之痔漏大便閉澀

必作大病此由風熱乘食飽不通氣逼大腸而作也
受病者燥氣也為病者胃濕也胃刑大腸則化燥火
以乘燥熱之實勝風附熱而來是濕熱風燥四氣相
合故大腸頭成塊者濕也作大病者風也若大便燥
結者主病兼受火邪也熱結不通去燥屎者其西方
肺主諸氣其體收下亦助疾病為邪須當破氣藥兼
之治法全矣服之其疾立愈不可作丸以剉湯與之
效如神

秦艽

去蘆一錢

澤瀉

三分

蒼朮

製七分

防風根

五分

桃仁

去皮一錢另研

當歸根

三分酒洗第
二服藥用身

黃柏

去皮酒
洗五分

大黃

少許惟大便
秘澁亦可多

用

枳榔

一錢細末
調服之

皂角仁

燒存性去皮一錢
搗細末調下服之

右除枳榔桃仁皂角仁三味候煎成藥研勻調入

外餘咀咀作一服水三盞煎至一盞二分去渣入

前三味再上火煎至一盞空心熱服待少時以美

膳壓之不犯胃氣也服藥日忌生冷硬物及酒麵

大料物乾薑之類犯之則藥無效如有白膿加五

朶白葵花須除萼去心細剪入青皮五分不去白
入上藥同煎又用木香三分為細末同枳榔等三
味再上藥同煎依上法服餌古人以此疾多以歲
月除之此藥一服立愈若病久者再服必愈

秦艽白朮丸

秦艽

去蘆

歸梢

酒洗

桃仁

酒浸去皮尖

另研各一兩

地榆

三錢

澤瀉

三錢

皂

角仁

燒存性去

皮各半兩

枳實

炒

白朮

各半兩

兩

右為細末和桃仁泥研勻煎熱沸湯麤糊丸鷄豆

大焙乾白湯下空心宿食消盡服之少時以美膳
壓忌生冷硬物冷水菜并濕麪酒及五辣辛熱大
料物之類犯之則藥無驗十服必愈

蒼朮澤瀉丸

蒼朮

四兩
去皮

澤瀉

枳實

秦艽

各二兩

地榆

皂角子

燒存性
各一兩

右為細末燒餅為丸如桐子大每服三十九丸米飲
湯或酒下

一婦人產後痔作瘡有頭如蒜頭大或下鮮血或紫血
大便疼與黑神散又多食肉太飽此濕熱在大腸

郁李仁

去皮

麻仁

槐角

各七錢

枳實

皂角仁

五錢為末

蒼

朮 歸尾

生地

各三錢

大黃

炒一錢

右分六帖內三仁另研煎服

又方 治痔

用鷄冠花不拘多少濃煎湯每服一盞空心服 本
草云鷄冠花性涼治瀉血

丹溪治番花痔頭向上是大腸熱甚收縮為主用四物解毒加枳殼白朮槐角秦艽

治番花痔

荊芥 防風 朴硝

右煎藥湯洗之次用木鱉子鬱金研末龍腦些少水調塗上

痔藥膏子治外痔番花脫出黃水不止腫痛病並用銀潤篋蘸藥塗傳日一次重者五七次立愈先用藥水

洗拭乾却傳此膏用真桑灰不拘多少淋濃汁兩碗
熬至一碗却入草烏片大黃片各二錢再漫火熬至
半碗入甘草一錢數沸下淨細石灰半匙頭不可多
畧沸三五次用絹一重花紙二重如絞漆狀瀘過再
熬成膏候冷用真胆礬五分研極細末放入膏中用
瓦器盛貯封之臨用入龍腦末和勻傳之

治腸痔鰲甲丸

鰲甲

蝟皮

炙焦
黑

穿山甲

炙焦

白礬

枯

附子

猪牙皂

角

各半兩炙焦
存性二分

右細末研勻蒸餅丸如桐子大米飲下二十九食
前日三服

又方

槐花

炒

白礬

枯各

一兩

附子

五錢

右細末研勻蒸餅丸如桐子大每服二十九米飲
下食前日三服

丹溪治二十三年不愈者三服止用蓮花蕊散

蓮花蕊

黑牽牛頭末

各一兩半

當歸

半兩

礬紅

少許

右為末先忌食肉五七日空心令食肉一頓就取

溫酒下三錢約兩時辰取下膿血或蟲是效

海藏外臺治五十歲痔不瘥塗熊胆取瘥神效諸方不及此

七聖丸

治大腸疼痛不可忍王叔和云積氣生於脾

藏傍大腸疼痛陣難當漸交稍瀉三焦濕莫漫多方

立紀綱

羌活

一兩

檳榔

木香

川芎

桂枝

去皮各半兩

大黃

八錢

煨

郁李仁

去皮另研一兩

右除郁李仁另研外為細末煉蜜丸桐子大驗虛實臨時斟酌丸數白湯下取大便微利一服而愈切禁不得多利大便若大行其病滋甚

治鼠痔結核作渴疼痛方

皂角

炙

穿山甲

黃耆

荊芥

槐子

木香

蝟

皮

鱉甲

醋炒

桔梗

露蜂房

焦炒

芍藥

各一兩

大黃

五錢

右為末煉蜜丸桐子大每服三十九溫酒下食前
日三服未止加至四五十丸

治痔疾下血疼痛不止以玩月沙不拘多少漫火熬令
黃色為末每二錢入乳香五分空心溫酒調下日三
四服瘥

秦艽羌活湯 治痔漏成塊下垂疣瘡不任其痒

升麻根 柴胡 甘草 炙 麻黃根 各五分 黃耆 秦艽

各一錢 防風根 七分

藁本 三分 細辛 炒 紅花 炒 羌活根 一錢

三分

水煎服

治痔有蟲咬穀道痒或下膿血多取槐白皮濃煎汁安盆中坐薰之塞其穀道湯冷更暖之良久欲大便當蟲出不過三度即愈如用末綿裹納下部

淋瀝藥 治下部痔腫大腸頭痒痛

歲靈仙 枳殼

麩炒各一兩

右為粗末熬水薰洗冷即再煖臨卧避風洗三次

挹乾貼蒲黃散

丹溪治腸風痔漏有蟲如絲細黑頭取去除根

瞿麥

半斤

豬牙皂角

一寸

右為末入豬腰子一雙內用米泔煮空心食之少頃肚痛上攻蟲皆墮出作地坑埋之薄粥補之

當歸郁李仁湯 治痔漏大便硬努出大腸頭下垂多血苦痛不能忍

皂角仁

另研細末調服

郁李仁

秦艽

各一錢

麻子仁

半錢

當

歸梢

生地黃

蒼朮

各五分

澤瀉

三分

枳實

七分

大黃

三錢

煨

右除皂角仁研細末餘藥剉如麻豆大水三大盞煎一盞去渣入皂角末調在內空心食前候宿食消盡服之忌風寒處大小便如欲涼大腸寬大腸則用枳殼去穰入巴豆鐵線纏煮透去巴豆入藥用若丸藥則搗爛用煎藥則乾用

治腸痔 每大便下血槐樹上木耳取末之飲服方寸

瘡日三服良

治腸痔多年不瘡下血不止木賊枳殼各二兩乾薑一
兩大黃一分四味並剉一處入銚子內炒黑色存性
三分搗羅溫粟米湯調食前服二錢七甚妙

治痔漏瘡方

鷄子

一個煮熟去黃取白切炒

明礬

如皂角子大匙上枯過用三分

右為末用溫湯洗淨拭乾用紙撚點藥送入瘡孔
內立效日三易

又方

穿山甲

一兩燒存性

肉苳蔻仁

三箇

同為末米飲調二錢服治氣痔膿血甚者刺蝟皮
一兩燒服中病即已不必盡劑

治痔神應散 治五種腸風下血上廁糞前有血名外
痔糞後有血名內痔大腸不收名脫肛穀道四面有
努肉名妳痔頭上有孔漏出名腸風並治之

黃牛角腮

一枚酌中老槌碎

蛇蛻皮

一條白者

猪牙皂角

七莖

穿山

甲

七片

刺蝟皮

剉

一兩

右五味細剉入甕瓶內以黃泥封固候乾先用小火燒令烟出後用大火煨令通赤為度取出攤開候冷搗羅為末服時先令患者臨卧時細嚼胡桃仁一個如糊用無灰好酒一盞送下不可言語便睡至五更時以溫酒調下藥末三錢至辰時更進一服雖年久不過三服立效

丹溪治腸風痔漏如神大樹木上寄生葉取乾為末酒

水米飲任下或丸桐子大服三十九亦可

千金方 治五痔方蒼耳莖葉以五月五日採乾為末
水服方寸匕或丸桐子大服之立效

洗痔疼 用荊芥朴硝桑寄生定痛解毒去風涼大腸
熱安胎如腫者加附子木鱉子研極細調服而愈

又方 五倍子朴硝桑寄生蓮房水煎洗一方加百部
煎洗

洗痔方 輕者用朝東馬齒莧劉寄奴濃煎湯薰待溫

却用手洗拭乾重者加大青葉梗乾者一半同煎

丹溪治痔痒用灰莧帶根煎濃湯先薰後洗

又方 取河水頻洗用蝸牛塗之

一方治痔 用雄鷄胆片腦和勻貼之

一方 熊胆塗之神效

蒲黃散 治下部痔漏

蒲黃 血竭

半兩

右為細末每用少許貼於患處

薰痔法

蝟皮

切方三指大

雄黃

棗大研

熟艾

鷄子大

右為末用瓦器以灰實一半如燒香法安長桶內坐其上薰之烟氣從口出為佳凡三度薰永瘥勿犯風冷忌鷄肉毒物

丹溪治痔瘡 大蒜十片頭垢捏成餅子先安頭垢餅於痔頭上外安蒜片以艾灸之

本事方 治一判官乘騾入駱谷有痔疾因此大作其

狀如胡瓜貫於腸頭熱如溏灰火至驛僵仆主驛吏
云此病予曾患來須灸即瘥用柳枝濃煎湯先洗痔
便以艾炷其上連灸三五壯忽覺一道熱氣入腸中
因轉瀉鮮血穰物一時出至痛楚瀉後遂失胡瓜所
在登驛而馳去

無擇云腸癖如痔如大澤中有小山突出為痔人於九
竅中凡有小肉突出皆曰痔不特於肛門邊生有鼻
痔眼痔牙痔等其狀不一方書分出五種曰牡曰牝

曰脉曰腸曰氣牝痔者肛邊生瘡腫突出一日數枚
膿潰即散牡痔者肛邊發露肉珠狀如鼠妳時時滴
漬膿血脉痔者腸口顆顆發癰且痛且痒出血淋漓
腸痔者腸內結核有血寒熱往來登溷脫肛氣痔者
遇恐怒則發肛門腫痛氣散則愈又方有酒痔每遇
飲酒發動瘡腫痛而流血血痔則每遇大便清血墮
下而不止宜解熱調血順氣為主若久不愈必至穿
穴為漏矣

治痔切勿用生砒毒氣入腹反至奄忽忌喫生冷硬物
冷菜之類及酒濕麵五辣辛熱大料物及乾薑之類
犯之無效此東垣格言也

秦艽防風湯 治痔漏每大便時疼痛

秦艽 防風

歸身

白朮

各一錢半

甘草

炙

澤瀉

六分

黃

栝

五分

大黃

煨

陳皮

各三分

柴胡

升麻

各三分

桃仁

三十箇去

尖另研

紅花

少許

右水煎空心熱服

烏金散 治痔漏

穿山甲

蛻皮

性燒存

黃牛角腮

剉碎炒黃

牙皂角

槐子

皂莢刺

枳殼

貫衆

阿膠

各等分

右為細末每服錢半用胡桃肉爛研併調酒食前服大腸熱荊芥湯下漏血不止川歸湯下

蛻皮丸 治諸痔出血裏急後重

川歸

川芎

白芍

枳殼

各五錢

槐花

炒三錢

艾葉

炒

地榆

黃耆

白礬

枯

貫衆

各半兩

蛻皮

一兩炙焦

大皂角

一條

醋炙猪後蹄垂甲

炙焦

蜂房

炒焦二錢五分

穿山甲

炒焦二錢五分

皂角刺

畧燒一錢五分

一方有蟬退洗淨畧燒二錢

右為末醋糊丸如桐子大每服七十九

逐瘀湯 治熱痔通利大小便取下黑物

川芎 赤芍 生地 白芷 五靈脂 枳殼 阿膠

蓬朮 炮 茯苓 茯神 木通 生甘草 各一分 大黃 生

桃仁 去皮各一分半

每服三錢薑三片蜜三匙煎服以利為度汚血作

疼通用

釣腸丸 治久新諸痔肛邊腫疼或痒挾虛寒而作者

括藟

二節燒存性

蛻皮

剉碎確內燒存性二箇

白礬

綠礬

枯

胡桃

仁

十五箇燒存性

白附子

生

半夏

南星

鷄冠花

五兩燒

枳

殼

附子

去皮臍

訶子

去核各二兩

右為末醋麵糊丸梧子大每服二十九丸空心臨卧

溫酒下

槐角丸

治諸痔出血及痔頭上有孔名曰瘻

槐角

炒一兩

地榆

兩八

川歸

兩八

黃芩

兩八

防風

兩八

枳殼

兩八

右為末酒糊丸如梧子大每服五十丸米飲下

乾葛湯

治酒痔

白乾葛

枳殼

半夏

茯苓

生地

各半兩

黃芩

甘草

各一分

杏仁

錢五

每服三錢黑豆百粒薑五片白梅一個水煎服

橘皮湯

治氣痔

陳皮

枳殼

川芎

槐花

炒各半兩

枳榔

木香

桃

仁 紫蘇莖葉 香附 甘草

炙各一錢半

每服三錢薑棗煎服

黑玉丹 治腸風及痔漏頭疼不可忍用此去蟲拔根
三五服見效

蝟皮

劉八兩

猪懸蹄

百隻

牛角腮

八兩

槐角

二兩

雷丸

脂麻

各二兩

亂髮

皂角煎湯洗焙

敗棕

劉各二兩

苦楝根

劉二兩半

右用磁罐內燒存性研細末入乳香一兩麝香四

錢研合和勻酒糊丸如桐子大每服五十丸先細

嚼胡桃一枚以溫酒吞下日二服甚者日三服空心及食前服

又方 治同上

人參 黃耆炙 生地 川歸 川芎 條芩 升麻

枳殼 槐角各等分

右為細末麴和丸如桐子大每服三十九空心米湯下

敷藥蝸牛膏

蝸牛一枚腦子

麝香各少許

用磁合盛次早取汁附之

一方

熊胆

錢一

麝香

分一

片腦

厘五

共為細末點田中大螺數枚碗盛候汁出取以點之

一方

寒水石 朴硝

共為末以津調手指點藥附痔上

一方 蝟皮燒灰生酒油和附 治腸痔下部者如蟲
蝕灸末用

一方 治諸痔

用穿山甲自尾根盡處數除三鱗不用取第四五大
鱗橫三行燒存性為末入麝香少許臘茶一匙同調
空心服以澄下濃者附瘡上其冷如冰冷永不痛大
效

肘後方 治漏

蜂房一枚炙黃赤色為末每用一錢臈猪脂調附瘡
上

一方 用兔絲子炒黃黑色為末用少許和鷄子黃調
附亦治穀道中赤腫

一用木鱉子槌去油煎湯洗一用槐柳枝煎湯洗

又方 飲酒多之人生痔三黃丸以生地黃汁為丸空
心淡酒吞下三五十九立效

二八通玄丹 梅東先生方

宣連

八兩用茱萸四兩炒去茱萸

川歸

二兩

烏梅肉

槐角

枳殼

各二兩

右為末以雄豬肚一箇洗淨入藥在內外以韭菜
四五斤包其肚用水醋共數碗煮肚熟為度去韭
菜并肚以藥爛搗丸如桐子大每服空心白湯下
五七十九

蟲痔 用鰻魚乾燒烟薰之蟲盡死而愈

治穀道邊生瘡久不愈者

用鷄內金燒灰存性研細末乾貼患處如神

皂角煎丸 治內痔漏腸頭裏面生核寒熱往來

滿尺皂角

二提去弦
核醋炙

白礬

煨

刺蝟皮

炙

黃蘗

白

芷

各一
兩

桃仁

去皮
炒

甜葶藶

炒

川芎

桔梗

各半
兩

豬後

蹄垂甲

十枚
燒存性

右為細末煉蜜丸如桐子大每服五十九空心用

桑白皮煎湯送下

拔毒散 敷痔腫毒處

大黃 黃蘗 白芨 石膏 黃芩 黃連 白蘞

梔子

朴硝

各等分

右為末用井花水調塗

湯火門

凡湯火傷急向火炙雖極痛強忍一時即不痛慎勿以冷物塌之及井底泥傳之使熱氣不出爛入肌肉

火燒以好酒洗之再以鹽傳其上如皮塌者以酒熬牛

皮膠傳之

熱酒傷用糯米粉炒黑末酒調傳之

治湯火灼未成瘡者用艾白根燒灰鷄子黃和敷之如成瘡用白蜜封之以竹中取膜貼上日三次

治湯火瘡麩皮炒黑灰為末傳上神妙此方有補性始終皆可用

治湯火瘡取舊烹銀爐中燒過焦黃土研細如粉以生薑調於帛上貼之痛止

一方用鎔銀鍋子細末油調傳上佳

保生救苦散 治火燒熱油損或至皮肉脫及一切狗

咬損傷并刀斧傷用生寒水石不拘多少為極細末

調塗之或乾上然不如油調塗其痛立止並不作膿

無分毫聲苦楚日近完復永無破傷風症

冰霜散 治火燒皮爛大痛

寒水石

生

牡蠣

燒

朴硝

青黛

輕粉

各等分

右為細末新水或小油調塗立止

治火燒

桐油

水銀

各等分

右二件以柳條不住手攪成膏再入大黃石羔二末和以牛皮膠入少水鎔開外用貓兒肚底毛細剪摻上貼之以青黛傳之妙

治湯火瘡爛者以黃蜀葵花落者淨器收之入水些少待爛成水傳上神妙

熱油燒外痛以蜜傳之立安 梅師方

治湯火瘡至妙

用劉寄奴為末先以粳米漿鷄翎掃傷處後以藥末
搽上不痛且無痕大凡湯傷先用鹽末搽之護肉不
壞然後傳藥

又方 以榆白皮末豬脂油塗瘡愈

顛撲損傷門

按發明經云夫從高墜下惡血留於內不分十二經絡
聖人俱作風中肝經留於脇下以中風療之血者皆

肝之所主惡血必歸於肝不問何經之傷必留於脇
下蓋肝主血故也痛甚則必有自汗但人汗出皆為
風症諸痛皆屬於肝木況敗血凝澁從其所屬入於
肝也從高墜下逆其所行之血氣非肝而何以破血
行經藥治之

內經云肝脉搏堅而長色不青當病墮若搏因血在脇
下令人嘔逆金匱云寸口脉浮微而澁然當亡血若
汗出設不汗出者當身有瘡被刀斧所傷亡血故也

金瘡出血脉沉小者生浮大者死

砍瘡出血一二石者脉大二十日死

砍刺出血不止者其脉止脉来大者七日死滑細者生

從高顛仆内有血腹脹滿脉弦者生小弱者死

劉宗厚云按破傷有瘀血在内脉堅強實則生虛小弱者死若亡血過多脉虛細小者生浮大數實者死亦皆為脉病不相應也

子和云諸落馬墜井打撲傷損閃肭損折杖瘡腫發焮
痛不止者可峻下二三十行痛止腫消宜以通經散
導水丸等藥或加湯劑瀉之後服和血消腫散毒之
藥

劉宗厚曰按子和於墮車落馬杖瘡閃肭者俱用峻下
其有心恙牙關緊急者云是驚涎堵塞於上俱用三
聖散先吐後下其法雖峻然果有驚涎瘀血停留於
內焮痛腫脹發於外者亦奏捷功但於出血過多老

弱之人脉虛大者亦當求責

又曰謹按打撲金刃損傷是不因動氣而病生於外外受有形之物所傷乃血肉筋骨受病非如六淫七情為病有在氣在血之分也所以損傷一症專從血論但須分其有瘀血停積而亡血過多之症蓋打撲墮墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者兼補而行之又察其傷有上下輕重淺

深之異經絡氣血多少之殊惟宜先逐瘀血通經絡和血止痛然後調氣養血補益胃氣無不效也頃見圍城中軍士被傷不問頭面手足胸背輕重治者例以大黃等藥利之後大黃缺少甚者遂以巴豆代之以為不於初時瀉去毒氣後則多致危殆至於略人手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非

切當所以有服下藥過後其脉愈見堅大治者不察
又以為瘀血未盡而復下之因而夭折人命可不慎
歟

凡損傷切不可食冷水血見寒則凝但一系血入心即
死以攻下瘀血之劑治之

金櫃治馬墜及一切筋骨損方

大黃

酒一兩浸 緋帛

如手大燒存性 亂髮

如鷄子大燒存性

炊單布

一尺燒灰

敗蒲

二寸一把 桃仁

四十九粒去皮尖

甘草

炙如中指節

七味以童便煎成入酒一大盞次下大黃去滓分
溫三服先剉敗蒲席半領煎湯浴衣被覆斯須通
利痛楚立瘥

復元活血湯 從高墜下惡血留於脇下疼痛實不可

忍

柴胡

錢五

當歸

錢六

甘草

穿山甲

炮各二

大黃

酒浸一兩

桃仁

五十枚
去皮尖

紅花

瓜蒌根

錢各二

右件桃仁研爛剉如豆大每服一兩水二鍾半酒

半鍾煎至七分食前服以利為度得利後痛或未盡服乳香神應散

靈樞云墜墮惡血留於脇下則傷肝肝膽之經行於脇下屬厥陰少陽宜以柴胡為引用為君以當歸活血脉又急者痛也以甘草緩其急亦能生新血陽生陰長故也為臣穿山甲括萸根桃仁紅花破血潤血為之佐大黃酒製以蕩滌敗血為之使

當歸導滯散 治損傷瘀血大便不通紅腫暗青疼痛

昏悶畜血內壅欲死

大黃

一兩

當歸

三錢

麝香

少許

右二味為細末入麝香和勻每服三錢熱酒調下其瘀血自下若骨節傷折疼痛以定痛接骨紫金丹治之

定痛乳香神應散 東垣方 治從高墜下疼痛不可忍及腹中疼痛

乳香 沒藥 雄黑豆 桑白皮 獨科栗子

各一兩

破故紙

炒二兩

當歸

一兩

水蛭

半兩

右為末每服五錢醋一盞沙石器內煎至六分入

麝香少許溫服

定痛接骨紫金丹

麝香

沒藥

紅娘子

各一錢半

烏藥

二錢半

地龍

去土二錢半

川烏

草烏

炮各一兩

五靈脂

半兩

木鱉子

去殼半兩

茴香

二錢半

黑丑

五分清用

骨碎補

威靈仙

金毛狗脊

防風

自然銅

醋淬煨紅七次各五錢

禹餘糧

四錢

陳皮

青皮

各二錢五分

右為細末醋糊丸桐子大每服十丸至二十九溫酒送下

三因鷄鳴散 從高墜下及木石所壓凡是損傷瘀血凝滯疼痛欲死兼以此藥推陳致新神效此方治血滯於肺部氣分也

大黃

酒浸一兩

杏仁

三十粒去皮尖

右研細酒一碗煎至六分去滓鷄鳴時服至晚取下瘀血即愈若便覺氣絕取藥不及急劈開口以

熱小便灌之

王海藏云若登高墜下撞打及傷心腹胸中積血不散
以上中下三焦部分分之以易老犀角地黄湯桃仁
承氣湯抵當湯丸之類下之亦有以小便同煎治之
者更有內加生地當歸煎服者亦有加大黃者惟智
者擇之

潔古巴戟湯 治從高墜下及打撲內損昏冒嗜卧不
能飲食此謂血閉臟腑不通

巴戟

去心

大黃

各半兩

當歸

地黃

芍藥

川芎

各一兩

右水煎以利為度

嚴氏奪命散

治刀刃所傷及從高墜下木石壓損瘀

血凝滯心腹疼痛大小便不通

水蛭

用石灰拌慢火炒令黃色半兩

黑丑二兩

右為末每服二錢熱酒調下約行四五里再用熱酒調黑丑末二錢催之須下惡血成塊以盡為度
破血止痛行經之劑

破血散 治乘馬損傷跌其脊骨惡血留於脇下其痛
苦楚不能轉側

羌活

防風

桂

各一錢

柴胡

連翹

各二錢

歸稍

二錢水

蛭

炒烟盡
研二錢

麝香

少許
另研

右分作二服每服二大錢酒水一盞除水蛭麝香
外另研如泥煎餘藥一大盞調二味食前服

地龍散 治腰脊痛或打撲損傷從高墜下惡血留於
太陽經中令人腰脊或脛膂臂腰中痛不可忍

中桂

地龍

各四分

羌活

二錢

黃栢

甘草

各一錢

蘇木

六分

麻黃

五分

桃仁

六枚

歸梢

一分

每服五錢水煎服

三因加味芎藭湯

治打傷敗血入胃嘔吐黑血

川芎

當歸

白芍

百合

浸半日

荊芥穗

各等分

右水酒各半煎服

元戎加味四物湯

治虛人損傷不禁下者

四物湯加穿山甲水煎服

花蕊石散 治一切金刃箭鏃傷及打撲傷損猫犬咬傷或至死血瘀傷處以藥摻之其血化為黃水再摻藥便活不疼痛如內損血入臟腑煎童子小便入酒少許調一大盞服之立效若牛觝腸出不損者急納腸入用細系或桑白皮為線縫合肚皮縫上摻藥血止立活如無桑白皮用生麻縷亦可並不可封裏瘡口恐作膿血如瘡乾以津液潤之然後摻藥婦人產後敗血不盡血迷血暈惡血奔心胎死腹中胎衣不

下至死者但心後覺煖急以童子小便調一盞取下
惡物如肝片終身不患血風血氣症若膈上有血化
為黃水即時吐出或隨大便出

石硫黃

四兩

花蕊石

二兩

右二味相拌合勻先用紙筋和鹽泥固濟瓦礫子
一箇內可容藥候泥乾入藥在內再用泥封口候
乾安在四方磚上上書八卦五行字用炭一秤籠
疊周匝自己午時從下着火漸漸上徹直至經宿

火冷炭盡又經宿出確細研以絹羅子篩極細磁盒盛之依法使用

雜方

本事方 治打撲墜損惡血攻心悶亂疼痛水仙散未展荷葉陰乾一味為末食前以熱童便一盞調下三錢以利下惡物為度

經驗方 治打撲損筋傷骨折

黃栢一兩 半夏五錢

右為細末用生薑自然汁調如稀糊敷以紙花貼如乾再敷如骨折先以絹帛封縛次用杉樹皮束定良久痛止即痒覺熱乃是血活筋骨復舊輕者三五日重者不過旬日矣

本事方

治跌仆傷筋損骨痛不可忍

此方乃神
龜相授

生地

為末

藏瓜薑糟

各一斤

生地

四兩切

右都炒令勻熱以布裹罨傷折處冷則易之神效

治打撲內損筋骨疼痛

乳香

沒藥

芍藥

川芎

川椒

去子及
閉口者

當歸

各半

兩

自然銅

煨三錢

右為細末用黃蠟四兩鎔開入藥末不住手攪勻
濕丸如彈子大每服一九用好酒煎開消盡乘熱
一服吃盡看何處痛向痛處卧霎時服三五丸立
效

衍義云沒藥通滯血打傷撲損疼痛皆以酒化服夫血
滯導而行之則痛腫消焉

肘後方 治被打瘀血在骨節下出者

生鐵

斤一 酒五升

煎取一升飲之

丹溪治一人因上山惡血瘀入內損傷食少脉弦治宜
活血和氣

川芎

錢三

青皮

錢二

芍藥

滑石

錢各一

丹皮

分五

炙甘草

錢一

桃仁

七枚 研

水煎服之

綴耳鼻法 治擦落耳鼻用髮入確子鹽泥固濟煨為末乘急以所擦落耳鼻蘸灰綴定以軟帛縛定立效

肩穿法 凡負重擔肩破者剪猫兒頭上毛不語唾粘之

遠行脚打泡 以生麵水調為糊貼過夜即乾不可擦破

又方 用飯粘搗貼以紙覆之過夜次日平復效

抵金丹 跌撲傷損閃扭出骨竅等症

蠶沙

炒黃

葶豆粉

炒黃各四兩

枯礬

二兩四錢

右為末釀醋調敷患處厚紙貼之絹帛綁扎換敷
三四次即愈忌產婦

秘傳神效散 治跌撲損傷骨折骨碎筋斷疼痛不可
忍者此藥極能理傷續斷累驗若神

用路上或墻脚下過往人便溺處經久碎瓦片取來
洗淨火煨醋淬五七次瓦黃色為度以刀刮細末每
服三錢好酒調服不可以藥微賤而輕忽其功也

一字散 治跌撲傷損功效同前

半兩錢

五枚火煨醋淬四十九次

甜瓜子仁

五錢珍珠二錢

右為末每服一字好酒調下

治跌撲傷損

用蟹二隻連殼搗爛好酒二碗濃煎去渣飲之留渣

敷患處

治損傷神效

治跌傷骨折急取雄鷄一隻量患人酒

量多少成一碗半碗將鷄刺血於酒中溫之令患人

熱飲其痛立止驗甚

癰風

內經云脉風成癰此疾非止肺腎二臟有之以其病發於鼻俗呼為肺風也鼻準赤而脹大乃血隨氣化也氣不施則血聚血聚則肉潰而生蟲此屬厥陰當以藥疎之可用局方升麻湯下錢氏瀉青丸是也餘病各隨經而治之癰風成癰樺皮散主之從少至多服五七月後灸承漿七壯瘡愈勿止藥再灸同止 承

漿一名懸漿在唇下宛宛中足陽明任脉之會療偏
風口喎面腫消渴口齒疳蝕蟲瘡灸之佳每灸七壯
至七七壯止灸則血脉宣通其風應時而愈艾炷如
小竹筋頭大不可灸破血肉但令當脉灸亦能愈疾
樺皮散 治肺臟風毒遍身瘡疥及癰疹瘙痒

杏仁

泡去皮尖水一碗煮至五分取出曬乾另研末

荊芥穗

各二兩

枳殼

去穰炭火

燒存性

樺皮

燒存性各四兩

炙甘草

五錢

右五味為末每服二錢食後溫酒調下日進三次

凌霄散 治癘風神效

蟬退

地龍

去土焙

白殭蠶

全蝎

各七箇

凌霄花

五錢

右為末每服二錢酒調下無時常宜浴每浴坐於湯中浸一時久服藥神效

四聖保命丹

大黃

五錢

黃柏

八兩

苦參

荊芥

各四兩

乾蟾

一隻煨

瓜蒌根

防風

各五錢

輕粉

二錢

右為末每服一錢茶清一盞調下空心日午臨卧

各一服服五七日後先於牙縫內出臭黃涎渾身
疼痛次後便利膿血病根悉去

加減何首烏散 治紫白癜風筋骨疼痛四肢少力眼
紅無白鼻梁崩壞皮膚瘡疥及手足皴裂睡卧不安
行步艱辛

何首烏 蔓荊子 石菖蒲 荊芥穗 甘菊花

枸杞子 葳靈仙 苦參

各五錢

右為末每服三錢蜜茶調下無時

參毛丸 治大麻風

苦參

一斤 一
斤 存性 煨

為末陳米糊為丸梧桐子大每服五十九酒送下

一日二次

仙方鯪鯉散 此方治大麻風極妙絕勝他方寶之

穿山甲活者大約重十觔為妙剖開肚不去腸雜以
真生漆一觔塗在肚內陰乾七日用泥包火煨存性
研極細末每服三分或五分火酒調下用真青布被

上下蓋之出汗臭不可聞不得見風待汗乾被上俱
是小蟲服十日眉毛復出身上膿水瘡皆愈一月即
脫體除根

愈風散 治一切惡風癩疾除鼻梁崩壞者不治外其
餘不問新久無不收功

淡豆豉 真輕粉 枳殼

俱為末每服一二錢五更空心糯米湯調下至早
飯後稍覺困倦欲睡不睡乃藥力搜風使然當逐

下惡物再服後鶴虱丸調理

鶴虱丸 治大麻風不拘年月以效為度

鶴虱

二兩

防風

一兩

地榆

麻黃

去節

雄黃

另研

天麻

各半兩

右為細末醋和為丸梧桐子大每服三十五丸酒
下日三 忌鷄猪魚蒜粘滑油膩燒炙胡椒房失
能如此調養則萬全矣若初起三五年者十全八
九如縱恣無忌憚者則不能收全功

癩瘡方

明礬末 黃蠟 新鮮土茯苓 過路珍珠草 紫

背天葵根子

各一兩

右為末煉化黃蠟加生蜜糖拌搗為丸梧子大每

服三十九米飲下初服一日三次後只一日一次


又秘方 治大麻風癩疾

死人蛆蟲洗淨鋼片上焙乾為末每用一二錢用皂

角刺煎濃湯調下 若腫而有疙瘩者乃陽明經濕

熱壅盛先以防風通聖散服二三帖然後再服此藥

蓋此藥有補功以皂針為引故能達表能久服之極
有神功非泛常草木可比倫也用遭橫死者於檢屍
場中問仵人買之極多不難



赤水元珠卷三十